



# TONGTEP RATEP

A MONTHLY BULLETIN OF DIMAPUR AO BAPTIST AROGO

• MARCH 2022 • DIMAPUR • VOL-VI • ISSUE 1 • 8 PAGES

## CHRISTIAN EDUCATION MINISTRY OSANG

Mrs. R. Imsusenla Jamir, CED

### Vacation Bible School 4<sup>th</sup> - 8<sup>th</sup> January 2022

**G**ROUP'S VBS Monumental: Celebrating God's Greatness omen nung ajemdaker anogo pungo nü agia liasü. Tesayur ajak agi 90, crew leaders 40 aser tanurtem 2620 tena liasü. Station asem tashi: Bible Adventure Story Station; Bible Memory Station; aser Craft Station nung tesayur balala ajanga omen nung ajemdaker sayu. Iba VBS anogoshia theme balala yamai liasü:

Day 1: Tsüngremi na koma'er ka saka meimer

Day 2: Tsüngrem ne den ajak len lir

Day 3: Tsüngremi tebilemtsü ajak abener

Day 4: Tsüngrem ya ajak dang nungi tashi tuluba

Day 5: Tsüngrem dak tesüngmangtsü lir

Item omen nung ajemdaker anogoshia yimya balala nung tesayurtemi sayu. Pezü nübuba nung tanurtemi Dignity of Labour day among aser oei kidang parnoki inyaktetba nungi sen bener aru aser ibaji Mission – Child to Child sentong atema amshitsü ayu. Tatempang anogo nung deobar tekülem tanurtem aser tesayurtemi bendanga agi.

### ABAM Tekümtet Otsü Metetjem Sentong, 28<sup>th</sup> - 30<sup>th</sup> January 2022

Iba sentong ya Impur nung anogo ana tashi Sunday School kaket tasen sayaba den training agüja liasü. Iba sentong nung atentsü asoshi tesayur ana den Christian Education Director tua tena liasü. Iba curriculum tasen den class shia Grade amshitsü lemtet aser asen Arogo-a Grade 1 – Grade 12 tashi agidar. Iba sentong nung Mrs. R. Imsusenla Jamir, Christian Education Director shisalem sayur ka liasü.



### Tesayur Training, 5<sup>th</sup> February 2022

Iba anogo nung tesayur training den Sunday school kaket metetjem sentong agia liasü. Training session pezü tashi agi aser shisalen sayur Miss Narola Ozükum, Miss Asenla, aser Mrs. R. Imsusenla Jamir, CED liasü. Tesayurtem ajak agi 132 tena liasü.

# Editorial

## "Tashi Tait Khristan Kibong" Mathi 7:24

**K**hristan Kibong ta jembidang temulungjangi, tebu, tetsü aser chirnurtem abensa aliba ka nüklai arua alitsü südi. Kibong noksaji ajak lirumedema abensa aliba dang nüklai arutsü akok. Kibong tapu balala aika lir – apuanina den chirnur aliba kibong; chirnur maliba kibong; tsürapur maliba kibong; tsürapur ka dang aliba kibong, yamala aika lir. Joko tanü-asüngbo, tetsür-o-tetsür aser tebur-o-tebur na anitepa aliba kibonga lir aser parnoki sentepa tanur *adopt* asür aser pei chir kümer mesüteter. Süra, item kibong tapu balala ajak rungnong koba Khristan Kibong aser koba Khristan Kibong masü? Naia bilemdangang.

Khristan Kibong kaji koma ka dang ajatsü? Kinungtsü, kinungbo aser chirnur ajak tzü nung bapti-ba

ajanga Khristan Kibong ka kümtet asü? Nai-a na meküta Khristan Kibong ta molung nena aser tasü ita jatettsüsa kibong kwi angur? Ner kibonga Khristan Kibong ta jatettsüsa lidar ama?

Taküm 2022 asen Arogo omen "Tashi Tait Khristan Kibong" Mathi 7:24 nung amendaker aor. Iba bulletin nung asenoki metangi Khristan Kibong dang masü saka "Tashi Tait" Khristan Kibong indang bushiyonga aotsü. Anungji, asenok ajaki sarasadema Khristan Kibong indang bushidanga lidi ta ayongzüker.

(*Khristan Kibong indang tangatetba, tebilemba aser temoatsü anguba indang daba.tongtepratep@gmail.com nung lemsateptsü mepishir.*)

## YOUTH MINISTRY OSANG

Ms. Meyisangla Jamir, General Secretary

**D**ABA Youth Ministry ajanga inyakba sentongtem kar tatsü agi yamai lemsateper.

- 30<sup>th</sup> January 2022, DABA YM Tenzüker Melentepba Inti Sentep nung agia liasü.


- 3-5<sup>th</sup> February 2022, "Tamangtir Tsüngsü" nung jajatsü asoshi asen Teintet Lanurtem den Youth Director Wb. Jongshimanen, Asso. Pastor Rev. T. Ariba Imchen, Mission Director Wb. Imnatoshi Lkr., Adv-cum-Treasurer Wb. Panger Jamir (Yongkum Fellowship), aser Deacon Wb. Limasanen, dena parnok ajak agi 62 oa liasü. Tzürang ayongküm nung mezüng aonung mejanger anepdang apusoa Rev. Dr. E.W. Clark jajaba lenmang nung Molungkimong tashi jaja atu. Ibai Khristan yimsü Osang Tajung arur küm 150 ajungba temaitsü asütsü asoshi, mezüng kechi koda timtem jenti ajuruaka, Yisu osang sangdongtsü asoshi bendanga agüja aru, ibai bilemtetshia "Tamangtir Tsüngsü" ania jajaba ka liasü. Molungkimong Baptist Arogo ajanga apokatsü aser tanendak ajak kanga junga anepalua iba nung shilem agir ajak anisüngzükdakja liasü.





Tasem nü, Molungyimsen nung Rev. E.W. Clark alidak aser museum repranga chiyunger meyipa arudang paisa yangluba apu nung jajadanger shilang.

- 10<sup>th</sup>-11<sup>th</sup> February 2022, anogo nung DABA Lanur Office Bearers Temeja training yamai agia: mezüng aonung Global Leadership Summit ajanga agi aser tanünü-aonung Youth Ministry koda inyaktsü aser inyakyim ajak tejangja nung agia liasü. Iba sentong nung ajak agi 34 tena liasü.
- 12<sup>th</sup> February 2022, asen arogo Tenzüker Orientation nung lanur lenirtem ajak agi 134 tena temoatsü ngua liasü.
- 26<sup>th</sup> February 2022, Digital Team Workshop agia liasü.
- 4<sup>th</sup> March 2022, DABA Drama Club ajanga ministry inyakba Web Series “Dreams & Chaos Season Two” tatempang saya liasü, aser iba nung shilem agirtem ajak adenshia Tenüngsang agütsüba sentong agia liasü.



# HOME EVANGELISM & COUNSELLING MINISTRY OSANG

**Dr. N. Moa Imsong**

**A**sen DABAi mapa tajung aika inyakdar saka ano tajungtiba kaji, tanü alima kara aoba den külemi, arogo nung kibongtem aser talisa tanü lanurtem taküm nung kechi timtem aser tatsütsü ajurudar ta study süa item nungi jenbua alitsü asoshi lanurtem nungdak reprangteta aser alima secular education nem parnok taküm meraksadaktsütsü asoshi tsüraburtemi chirnur lemang shitak nungi azüoktsü shisatsü angutsüba mapangshia training balala ajanga ajongshiba ya lir.



**22<sup>nd</sup> January 2022**, Parenting counselling training takok tulu ngua agia liasü.

Iba training nung tsürabur 68 dena liasü. **Omenji, A. Shin 22: 6** nung ajemdaker, kara-kara aoba aser melenshiba putu ka nung lanurtem raksatsütsü shisabulu aika atoker, anungji tsüraburtem shisatsü nung update ser tanur ka pa aotsüba lemang nung koda sayutettsü iba nung rangloker shisatsütem lemsatepa liasü.

**Onüktemji item ya liasü:** Parenting responsibilities, Tsürabur tajung ka dak keta alitsüba jaklatem, Parenting skills, aser tanü tanurtemi ajuruba timtem tsüraburtemi aware süa alitsü aser iba nung ajemdaker questions and answers.

**29<sup>th</sup> January 2022**, Kirep counselling training takok tulu ngua agia liasü. Iba training nung couple 72 dena liasü.

Putu tensa melenshiba ajanga akidang apuani-i majuruba shisabulu aser timtem aika apuani tesentaktep nung ajurutsüsa akümer aser itemji junga deal mesütet dang kibong aika psychologically divorce sûr alitsüsa kümdaktsür aser ano aika kibong raksar, anungji item nungi jenbua alitsü asoshi aser Tsüngremi kibong agütsüba nükjidong atalokja alitsü nükla yur iba training agia liasü. Onüktemji item ya liasü: Apuani commitment, Menopause aser midlife crisis ajangteta aotsü renemshitsüla, Sex education, apuani-i ajuruba timtem aser telangzüba.



## MEMBER CARE MINISTRY OSANG

**Mr. Talimeren, Convenor**

**M**arch 2022 nungi DABA Member Care ministry nung züngsem ajak agi 56 Arogoi sarasadema teyari agüja item training agidaktsüdagü.

- 1. Diploma in Computer Application : 18 members
- 2. Pre-Primary Teachers Training : 15 members
- 3. General Duty Assistant : 4 members
- 4. Assistant Electrician : 9 members
- 5. Cutting and Tailoring : 10 members



# MISSION MINISTRY OSANG: PLAIN KARBI MISSION

Mr. Pokyimtoshi Aier, Field Director

Tamasa Plain Karbi nungi amangbapurtem ajak küm tasen salem den Yisu temeim salem tulu iba Tongtepratep osang kaket azünger ajak dangi abener. Arogopurtem tamang sarasadema ajanga Tsüngrem taochi ngua Pa wadang ita ishika inyakba tatsü agi lemsateper.

## 1. Nütsüng Renlokba

Toaba küm December terpezü (14) nü Langkheting nung alir limapur kibong ka par pungo (5) Kalapani nung tzüsena/baptia nütsüng kümogo. Ibai Langkheting nung fellowship tasen ka tenzükerba lir.



## 2. Sentongtem Agiba

- i) Plain Karbi nung Christmas aser New Year sentong kanga junga agiogo aser Field Director-a mission centre Pokaigaon nung New Year sentong nung Tsüngrem O, "Khrista ajanga ajak tasen kümogo" ta asüba onük nung ajemeter jembi.
- ii) Pokaigaon aser Ahutoli lanurtem lokteper Pokaigaon nung seminar ka "Social Concern For Youth" onük nung ajemeter agia liasü aser iba sentong nung O jembir Dr. N. Moa Imsong, Counsellor DABA arua agi aser ibai lanurtem atema kanga dang jangratema, tzüratema aser temoatsü nung agiba sentong ka liasü.



iii) Akhi ama taküma Plain Karbi nung arogotem ajak nungi atenshia 4<sup>th</sup>-6<sup>th</sup> March Annual Conference sentong agi. Taküm conference onük- "Khrista nung tamangertem tajitettsü" iba nung ajemeter agia liasü aser sentong nung O jembir, Mr. Imnatoshi Longkümer, Mission Director DABA, pai tesenteper ajak temoatsü ngua agi. Iba sentong nung kija aser telok kentenba aser tsüngsangba nung tetoktepba liasü. Iba mapang ajak agi 365 sentep.



iv) Evangelist-tem aser pastor-tem fasting sentong den evangelism mapa ano maneni inyakdagi aser iba ajanga fellowship tasen ka-ana tawa tanü tsüngda tenzüktsü teimla lir.



### 3. Tesemdanger Aruba

i) Taküm 1<sup>st</sup> March 2022, nü DABA pastor-tem aser deacon-tem tersür-ti (18) agi field semdang. Iba mapang field nung pastor-tem, evangelist-tem aser PKMES nung tesayurtem ajak nem sempet agütsüba den ano tajungshi tajung lemsateper meyipa ao. Mapangshia iba ama semdanga ajungshitep nung kangasa ajungtsü.



Tesayurtem aser Field Staff den agiba noksa



Pastor-tem aser Deacon-tem Temeja agiba noksa

ii) Pastor-tem aser evangelist-tem maneni taoba mapang ama mapang apir arogotem semdanga Tsüngrem O den ano timtem mesüra arogo tebilemtsütem timi asadanga tajungtiba nung ayutsü sarasadema inyakdagi.

### O Tembang

Nenok dangi tsüngdong arua pelara ta meshitetaka oda iba ocet ajanga pelaba ka lemsatepner. Taoba küm October ita tetenzüklen accident ka ajurua anepaluba mapang asen amangbapurtemi sarasademsüba den ano rongsen agi nungita yariba atema tepang agi meshiteti pelaba lemsateper, Tsüngremi nenok memoatsüiang malitsü aji kü teimla aser sarasadem. Yamaji nenok sarasadem ajanga tangbo kanga junga kümogo.

Temeim adianutem taoba mapang zülu nung ashiba ama tanü field nung kechisa takok ngua inyaka arudagi item ajak nenok tamang sarasadem ajanga Tsüngrem nungi taochi ngua inyaktetba lir, kanga dang pelar aser Tsüngrem tenüng asanger. Ano nenok tamang sarasadem medeni ang kecha meinyaktettsü asü nung maneni nenok tamang sarasadem nüngdaker.

Yamaji tanü osang yangi atemer, Tsüngremi iba osang kaket azüngertem ajak ano tali moajang.

## WOMEN MINISTRY OSANG

**Mrs. Moamonga, Asso. Pastor Women**

**D**ABA Women Ministry-i sponsor süa ABAM Women Ministry Sisterly Care yimyim küpok “Tekümtet Liroyim” omen nung ajemdaker Yimjenkimong Baptist Arogo nung aliba tetsürtem den 4-6<sup>th</sup> March 2022, sentong ka agia liasü. Mrs. N. Amongla Home Evangelist aser Mrs. Moamonga Associate Pastor Women tena onük jembirtem liasü. Teyaritepertem, Tenzükla ana – Mrs. Aremla Walling aser Mrs. Tainla, Signal Fellowship nungi liasü. Iba sentong nung ajak agi tetsür 77 temoatsü ngua aten.



## DABA REVIVAL 2022 OSANG

**A**sen arogo inti asentensi sentong ka 18<sup>th</sup> - 20<sup>th</sup> March 2022, nung kaogo. Ibai Fellowship sasep nung agia aliasü. HECM, Prayer warriors aser Youth Ministry lanurtemi Asentensi ken anir aten. Iba Asentensi nung tongti o jembirtem itemi liasü:

Sl. No.	O Jembir	Fellowship
1.	Mr. Anung Pastor Medziphema	Town
2.	Rev. S. Wati Aier, Principal DBC	Duncan
3.	Mr. Arep Tzüdir, Pastor KABA	Sümedem
4.	Rev. Narola	Signal
5.	Mr. N. Lipok, Pastor Diphupar	Yinsem
6.	Rev. Maong Lemtur	Merali
7.	Rev. Chuba	Lungmen
8.	Rev. Talimeren, Nehemiah India	Yongkum
9.	Mrs. Deena Wati	Electrical



Lungmen



Town



Duncan



Merali



Signal



Sümedem



Yinsem



Yongkum

# MUSIC MINISTRY OSANG

Mr. Talimeren, Music Director DABA

**Choir Music Training Phase 1:** 7<sup>th</sup> - 8<sup>th</sup> February 2022, Yinsem, Yongkum aser Electrical Prayer Cell, Yinsem Fellowship nung sentepa agia liasü.

**Phase 2:** 14<sup>th</sup> - 15<sup>th</sup> February 2022, Signal, Merali aser Sümedem, Merali Fellowship nung sentepa agia liasü.

**Phase 3:** 21<sup>st</sup> - 22<sup>nd</sup> February 2022, Duncan, Town, aser Lungmen, Town Fellowship nung sentepa agia liasü.



**Intermediate 1, 2 & 3 Music Training** 21<sup>st</sup>- 25<sup>th</sup> March 2022, tashi agia liasü. Fellowship telemsa aser tesayur yamai liasü: Lungmen aser Yongkum külemi Mr. Moalong Walling-i agi; Yinsem nung Ms. Tiarenla; Duncan aser Sümedem külemi Mr. Jongshimanen-i sayu; Town nung Ms. Asongla Tzüdir; Signal nung Ms. Odiyangla; Merali nung Mr. Among Longkumer liasü. Tanurtem ajak agi 156 dena liasü. Iba sentong ya music basics tejangja angazükdaktsütsü nükjidong nung agia liasü.

